

# Guangjisi Minzcu Bau

ganhhau: CN45-0036 B.2016 Nd.10 Ng.12 liggaeuq bingsaen nienz ndwengouj cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3244期

## Vanzgyangh Yungh Sam Aen Banhfap Doihengz Hong Vahmauznanz

### 环江三大措施推行毛南语工作

Vanzgyangh dwg daengx guek aen Mauznanzcu swciyen dog ndeu, youq ndaw yienh gvaengxlaengx miz Cuengh、Gun、Mauznanz、Myauz、Yauz、Suij daengj cib lai aen minzcuz youq, daengx yienh gyauejvunz 37.08 fanh baux, ndawde siujsoq minzcuz gyauejvunz 35 fanh baux, ciemq daengx yienh cunggyauejvunz 94%. Vih ndeindei doihengz、sawjyung caeuq baujhoh hong Vahmauznanz, Vanzgyangh Minzyigiz yungh sam aen banhfap roengzrengz cauxmoq, aeundaiej itdingh cingzciik.

It dwg gaem ndei hong baihgong hwnjlaeb sugigu Vahmauznanz. Gaenh bi neix daeuj, aen giz neix nyinhcaen cujciz lauxhangz Mauznanzcu vat-

cimh、soucomz、cingleix sawloih ciengzyungh Mauznanzcu、gojgaeq ndawbiengz、feizdau Mauznanzcu daengj vwnzva minzcuz.

Ngeih dwg boquengq sinhvwnz densi Vahmauznanz, caiqlij aeu hong loegguh boquengq cugyamq byaijcoh cwnngveihva、cangzdaiva.

Sam dwg nyinhcaen guh ndei hong loegguh denyingj Vahmauznanz, caemhcai haiguh denyingj Vahmauznanz roengz mbanj, vunzlai Mauznanzcu hoizwngq gig ndei.

Ciuq cam rox, aen giz neix daj bi 2014 ndwen 5 hainduj couh anbaiz hanghmoeg bouxdaiqdaez hainduj guh hong, caemhcai youz bouxvunz Mauznanzcu Danz Yenjangz cujciz

soucomz、cingleix sawloih Vahmauznanz, gvinab gij vahaem caeuq yijfaz Vahmauznanz; youz bouxvunz Mauznanzcu Cinz Swgunh cujciz soucomz gij caizliuh vahgangj ciengzbien vah Mauznanzcu, cingleix loegguh feizdau Mauznanzcu. Doengzseiz youq ndaw yienh haiguh denyingj roengz mbanj ca mbouj geijlai 100 ciengz, aeundaiej yaugoj haemq ndei. Aen yienh neix Minzcuz Cunghyoz、Vanzgyangh Daihsam Siujyoz daengj cungj laebdaeb hailaeb le gangj gojgaeq Vahmauznanz、hag go Vahmauznanz daengj goqcingz, hawj vwnzva minzcuz byaij haeuj ndaw saedcej hagdangz bae.

(Danz Su'myauz/谭素苗)

## SIUSIK DINJ

### 简讯

● 10 nyied 7、8 hau banhaemh, Heiquengh dai-neix 《Daxmeh Ranghbya》 youq Namzningz Mingzsingh Heiquengz yienj. Aen heiq neix aeu Mwz Gingzfangh souciengx、son'gyauq lwnyez diegbya gungzhoj saet-hag haenx guh cawjsienq gojgaeq, ganginaez aen gojgaeq boux swsan'gyah、gyauyuzgyah bangrex banghoj、souciengx lwnyez diegbya daegbied gungzhoj he. Aen heiq neix youz Guengjsae Higiyen Heiquengh-duenz、Denzlinz Yen Feihyiz Baijyienj Cungsim caeuq Dwzbauj Yen Ngeihyenz Ndokmax Yisuz Cungsim lienzhab baizyienj.

(Lij Sienghbingz Lij Yaujiy)

● Gaenh geij bi neix daeuj, Lozcwngz Mulaujcu Swciyen ciuq dieg bae guh, ciuq gij daegdiemj diegbya naz noix ndoi lai, gujli caeuq sonyinx vunzlai gungzhoj diegbya haenqrengz hwngfat makit、makhwzdauz、youz-caz、makdauzmizhouz daengj daegsaek saekloeg canjnieb, caenh'itbough gya'gvangq monzloh bouxguhnaz vut gungz baenz fouq, coicaenh "saekloeg laisou".

(Se Sunhwngz)

● Gaenh bi neix daeuj, Yungzsuiz Myauzcuz Swciyen haenqrengz doicaenh lajmbanj gyaunde hwnjguh, sonyinx bouxguhnaz dangdieg ndaem gij doenghgo mboujdan miz ginghci souhaeuj youh ndaej cang ndei aenmbanj haenx, daiqdoengh lajmbanj lijyouz, demlai vunzmbanj ginghci souhaeuj, saedyienh gij siengjmuengh youq bakdou ranz couh miz souhaeuj.

(Lungz Linzci)

● Gyajgeiz guekgingq, Cenzcouh Yen fanh lai moux lwmangh nding laebdaeb baenz sou lo, bouxguhnaz leihyungh seizcou dienheiq ndei neix, youq doenghnaz nyaengqfoedfoed mbaetsou lwmangh, yienh'ok baenz fuk baenz fuk veh fungsou ndei-yawj.

(Vangz Swhcang Dangz Gvangjdungh)

### Sanhgyangh:

### Hozdung Lai Yiengh Hoh Gouj Nyied Cogouj

#### 三江:多彩活动庆重阳

10 nyied 9 hau dwg ciet gouj nyied cogouj, Sanhgyangh Duncuz Swciyen gak dieg vunzlai yungh golaux Duncuz、Heiqdung、dohyeh、ngaizbakranz daengj lai cungj hingzik angqoh ciet gouj nyied cogouj, haenqrengz fatyienz gij conzdungj ndei Mbanjdung gingq bouxlaux hauqswnh bouxlaux. Ndaw doz dwg beixnuengx Duncuz youq gwnz daiz diuq fouxdohyeh.

(Gung Bujganh/龚普康)



## Nazboh: "Feihyiz" Hanghmoeg Ciengqmakmaed Bang Canjnieb Hwngfat

### 那坡:“非遗”项目黄皮酱助推产业发展

“Bingzmung ciengqmakmaed ndaej lied haeuj si gaep feihvuzciz vwnzva yizcanj hanghmoeg baujhoh mingzloeg le, ginggvaq songyauq dinfwngz, seiz-neix miz 100 lai ranz hag rox guh ciengqmakmaed, miz 20 lai ranz baenz canjnieb hwngfat gveihmoz, ciengqmakmaed feih hom van bak, ndaej daengz hekyouz、canghseng'eiq diegrog haenggyaez.” Nazboh Yen Vwnzvacan cancangj Lingz Veidungh naeuz.

Ciuq cam rox, aen yienh neix guh ciengqmakmaed gwn youq dangdieg gaenq miz bak lai bi lizsij, bi 2012 nienz bauq baenz si gaep feihvuzciz vwnzva yizcanj hanghmoeg baujhoh mingzloeg, dangdieg yienh cwngfuj gyahung senhconz caeuq bued roengz ngaenzcienz, aeu de baenz aen hanghmoeg bang bouxguhnaz demsou, saedyienh vut gungz baenz fouq he. It

dwg youq Bingzmung Cin hwnjguh gizdieg sonhag guh ciengqmakmaed, gajnde son'gyauq hanghmoeg gaemguenj cwngzsi、gisuz gveihfan、nyuenz caizliuh iugouz daengj, ciuqei feihvuzciz vwnzva yizcanj hanghmoeg baujhoh iugouz, binaengz cujciz haiguh baujhoh swnjcienz、langhbaij baijyienj hozdung 2 baez doxhwnj, gungganq dinfwngz swnjcienz. Ngeih dwg gyahung senhconz ligdoh. Doenggyaq gvangibo densi daengj meizdij gvangqlangh senhconz, cujciz bouxguhhong roengz mbanj haeuj ranz fatcuengq cek saw senhconz, gujli nungzhoh ndaem faex makmaed. Sam dwg gyalai bued roengz ngaenzcienz. Vih ranz ndaem mak daezhawj dinfaex mak mbouj aeu cienz, daezhawj bwnh caeuq ywgajnon mbouj aeu cienz, ciuqei dajndaem mienhcik hawj boujdiep. Seiq dwg gyahung gisuz bangfuz ligdoh.

Banh banbeizyin, cujciz ranz ndaem makmaed camgya beizyin hag dinfwngz vunzguh ciepnysz, baij boux gisuzyenz daengzciengz sonyinx. Yinxhaeuj senhcin siudog sezbei caeuq baucang gunghyi, yiemzgek gaem hong ancienz gigwn.

Seizneix, aen yienh neix guh ciengqmakmaed gaenq baenz hangh youqgaenj canjnieb vunzlai dangdieg laisou he, ndaem faexmakmaed youq Bingzmung、Dwzlungz、Bwzhoh、Bwznanz、Bwzswngj daengj yanghcin baihnanz gaenq miz itdingh gveihmoz, ginggvaq diegranz fwngzguh gyagoeng guhbaenz ciengqmakmaed haenx gaen 29 maenz, gyoengq nungzhoh baenz canjnieb hwngfat gveihmoz haenx, dan cungj neix souhaeuj bingzyaenz daengz 2 fanh maenz doxhwnj.

(Dwng Gyanghboh/邓江波)